



**Quæstionum Canonicarum, In Quinque Libros  
Decretalium, Tomus ...**

In Librum I. Decretrialium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

Quæstio XXX. In Tit. XXX. De Officio Legati.

---

[urn:nbn:de:hbz:466:1-73031](#)

## QUÆSTIO XXX.

### IN TIT. XXX. DE OFFICIO LEGATI.

**N**on agimus h̄ic, nisi de Legatis Papæ, quo nomine veniunt 1. qui mittuntur à Pontifice ad actum aliquem expediendum; 2. qui mittuntur in aliquam Provinciam cum potestate administrandi ea, quæ sunt muneris Apostolici, & hoc modo sumitur nomen Legati præsenti titulo.

#### ARTICULUS I.

*Quot sint genera Legatorum?*

**R**esp. Legatos esse in triplici classe; nam aliqui sunt *Legati à latere*; alij, *Nuntij Apostolici*, seu *Legati missi*: alij *Legati nati*. Legati, & Nuntij (de quibus agitur in hoc titulo, & pluribus tractat Azor p. 2. l. 5. c. 28.) *quoad potestatem jurisdictionis*, sunt Ordinarij Provinciarum, & in eadem potestate, pro suis provincijs, in utroque foro, omnes Episcopos, Archiepiscopos, vel Patriarchas antecedunt; sunt enim illi, qui à Papa tanquam ejus Vicarij ad Ecclesijs, & Provincias per totum orbem dispersas, mittuntur, ut ibi ædificant, & plantent, prout spirituali animarum saluti viderint expedire) *Legati à latere* dicuntur Cardinales, quos Romanus Pontifex ex Urbe, & Curia Romana mittit, vel ad destinatam Provinciam administrandam; vel ad negotia cum Regibus, aut alijs Principibus tractanda; dicuntur *Legati à latere*, quasi emanantes à latere Pontificis, cui assistunt; possunt enim vocari pars corporis ipsius. Legati *nati* dicuntur Antistites, qui, ratione Ecclesiarum, quibus præsunt, legationem Apostolicam habent; qualis Archiepiscopus Cantuariensis in Anglia; Rhemensis in Francia; Pituricensis in Aquitania Superiori. Illi ideo *nati* appellantur, quia statim (ut creantur in tali Ecclesia Præfules) id muneris, & officij nanciscuntur: *Nuntij*, seu *missi* dicuntur, qui Cardinales non sunt, sed Antistites missi à Pontifice ad Reges, vel Principes, vel aliquam Rempublicam, sive ad negotia aliqua expedienda; sive ut (tanquam Judices A-

postolici delegati) certas aliquas causas in ipsorum Principum Curijs, cognoscere, & judicare possint. Hos vocat *Salas de legib.* Disp. 8. sect. 11. n. 51. *Legatos constitutos*, seu *temporarios*, ex c. placuit, 7. q. 1.

#### ARTICULUS II.

*De Officio, & potestate Legati.*

**A**rectam hujus officij, & potestatis cognitionem, not. 1. Legatum Papæ, qui est *de latere*, habere autoritatem cognoscendi de omnibus causis, in provincia sua legationis; quo differt à delegato Papæ; hinc in illis est *Judex ordinarius*; Zoësus hic nu. 2. & ideo egestas Româ instar *Pro-Consulis*, cui comparatur, liberius jurisdictionem, tam *contentiosam*, quam *voluntariam* exercet c. *Legatos*, 2. h. t. in 6. Not. 2. officium, & potestatem Legatorum Papalium, potissimum colligi ex duobus capitibus, in quibus scilicet convenient, & in quibus differunt. Convenient autem 1. in hoc, quod omnes, cujuscunque sint generis, simpliciter *Legati* appellantur; *gloss. in c. statutum, de rescript. in 6. c. Privilegium, 4. de verb. signific. in 6. secundò*, quod statim, ut Urbe sunt egressi, accipiant legationis insignia, illisque tantur, ac in eam reduces deponant, c. 2. h. t. in 6. Insignia vero sunt, equus albus, vestes rubae, frenum, & calcaria deaurata; sic Hostiensis: *c. antiqua, de privileg. Tertiò*, quod idem possit in suis provincijs sibi de mandatis, quod in sua Dioecesi Episcopus, habeantque jurisdictionem ordinariam, quam excent jure suo, c. 2. h. t. in 6. ubi Clemens IV. *legatos*, inquit, *quibus in certis Provincijs committitur legationis officium*, ut ibidem evellant, & dissiperent, ædificant, atque plantent: *provinciarum sibi commissarum, ad instar Proconsulium, ceterorumq. Præsidum*, quibus certæ sunt decretæ provinciæ moderandæ, *ordinarios reputantes, præsenti declaramus editio*, commissum tibi à Prædecessore nostro legationis officium nequaquam per ipsius obitum

obitum expirasse &c. quartò, quod in suis Provincijs, in his, quae pertinent ad mores componendos, vel vitia corrigenda, possint statuta condere perpetua, etiam post Legati officium depositum duratura cap. fin. h. t. ubi Gregorius IX. nemini dubium esse volumus ait, quin Legatorum Sedis Apostolica statuta, edita in Provincia sibi commissa, durent tanquam perpetua, licet eandem postmodum sint egressi; secus autem, si causas duxerint delegandas aliquibus; cum jurisdictio istorum exspiret, si ante illorum discessum horum citatio non præcessit: quinto conveniunt in hoc, quod eorum potestas pendeat ex tenore literarum suarum legationis, eo tamen discrimine, ut Legato constituto non credatur, donec eas exhibuerit, c. fin. dist. 97. secus Legato de latere, sed in his tantum, quae habet ex jure communī; sic Azor p. 2. l. 3. c. 27.

Ex hoc colliges, eorum officium esse, vice Summi Pontificis, noxia evellere, & dissipare; salutaria inducere, & promovere, cit. paulo antē c. 2. causas Provincialium, quae per appellationem, aut simplicem querimoniam ad eos deferuntur, tanquam judices ordinarios, audire, & cognoscere c. 1. h. t. ibi: sane, licet Archiepiscopus, Metropolitico jure audire non debeat causas de Episcopatibus vestris, nisi per appellationem deferantur ad eum: legationis tamen obtentu, universas, que per appell. vel querimoniam perveniunt ad suam audiencem, audire potest, & debet, sicut, qui in Provincia sua vices nostras gerere comprobatur; ex quo vides, quod Metropolitanus per simplicem querimoniam adiri non possit, cum tantum sit Jūdex ex causa appellationis, secus Legatus Papae; sic Barbosa, in cit. c. 1. n. 3.

Colliges 2. eosdem posse revocare leges suorum Antecessorū, si expediens videatur, prout colligitur ex c. fin. h. t. causas ad te pertinentes delegare, sic tamen, ut delegati jurisdictio cum officio Legati extinguatur, nisi præmissa citatione sit perpetuata; ex eod. c. fin. & si sint ad diversas Provincias Legati, posse negotia jurisdictionis, tam voluntariae, quam contentiose expedire in una, & eō evocare partes alterius Provinciarum, sibi pariter commissæ; Vallensis, h. t. n. 3. ex L. 2. ff. c. de offic. Proconsul. c. ult. de jud. & c. olim, de injurijs.

Colliges 3. ubi constiterit de legatione, Tom. I.

& adventu Legati, benignè recipiendum, habendum, & honorandum esse; cum gerat vices Papæ, c. cum Venerabilis, de consuet. eiisque necessaria, in sua legatione subministranda, prout in sua consecratione Episcopi se facturos promittunt, c. Ego, de jurejur. non admittentes Legatos Apostolicos, vel eos impeditentes in officio suarum legationis, ipso facto excommunicari, & locum tamdiu, quamdiu duraverit contumacia, interdicto subjacere per Extravag. 1. de consuetudine inter communes.

Differunt autem in sequentibus 1. quod 2376.

Legatus à latere in sua Provincia majus ceteris Imperium habeat, c. si Abbatem, 36. de elect. in 6. Q. hujusmodi, ubi dicitur, quod Legatus de latere majus omnibus, post Rom. Pontificem, in Provincia sibi decreta, Imperium censeatur habere: Archiepiscoporum, & Exemptorum electiones possit ex officio confirmare: alij autem Legati hoc nequeant, nisi id à Sede ipsa specialiter sit commissum; potest præterea absolvere excommunicatum ex percussione Clerici, etiam extra Provinciam, c. penult. h. t. ibi: excommunicatio, pro injectione manuum violenta, Ecclesiae Rom. Legati, qui de ipsis latere non mituntur, extra Provinciam sibi commissam, vel ibidem, si hujusmodi manuum injectores illuc contingat aliunde accedere, & qui Ecclesiarum suarum, prætextu legationis, sibi vindicant dignitatem, etiam subditis (quamvis in provincia sua existente) beneficium absolutionis impertiri non possunt, nisi de speciali gratia, illis, & ipsis, amplius à Sede Apostolica concedatur. Et ideo, eo præsente, Legatus constitutus nec executionem suarum legationis habet, nec usum insignium, c. volentes, h. t. ibi: Fraternitati tuae legationis officium in Provincia tua duximus committendum, ita tamen, quod si Legatum ad partes illas, de latere nostro, contigerit destinari, executionem ipsius officij, quamdiu Legatus ipse ibi fuerit pro Sedis Apostol. reverentia omnino dimittas; unde nec Legatus natus suam jurisdictionem exercere potest, præsente Legato constituto, qui majoris est potestatis; Vallensis h. t. n. 1. §. 3.

Secundò differunt in beneficiorum collatione. Nam Legati non Cardinales, sine speciali mandato, non possunt jure legationis conferre beneficia vacantia; secus, Legati Cardinales, seu de latere c. 1. b. f.

Y y y

*b. t. in 6.* ubi Innocentius IV. presenti, ait, decreto statuimus, ut Ecclesiæ Romanae Legati, quantumcunque plenam legationem obtineant, sive à nobis missi fuerint, sive suarum prætextu Ecclesiarum legationis sibi vendicent dignitatem, ex ipsius legationis munere, conferendi beneficia, nullam habent potestatem, nisi hoc alicui specialiter duxerimus indulgendum; quod in Fratribus nostris, legatione fungentibus, volumus observari: quia sicut honoris prærogativâ lætantur, sic eos auctoritate fungi volumus ampliori; & quidem quoad omnia in Provincia sibi commissa; Barb. in cit. c. i. nu. 3. c. si à Sede, de prebend. in 6. etiam præveniendo Ordinarios; c. i. b. t. in 6. ac etiam extra Provinciam existentes; cum hoc sit solùm voluntariae jurisdictionis; Innocent. in c. 5. de concess. præbend. etiam devoluta ad Ordinarium, ex alterius negligentia; sic Zoësius hic nu. i. t. imò etiam devoluta ad Pontificem, & alias ad eum spectantia; non tamen eidem reservata, aut etiam vacantia in Curia, nisi habeat mandatum speciale; sic Zoësius, b. t. n. 11.

2378. Præterea Legati Cardinales conferre possunt canonicatus Ecclesiarū Cathedralium, & reliquas dignitates minores, non electivas, etiam absque consensu Patroni Ecclesiastici, licet hic existat extra Provinciam; Clem. i. de suppl. negl. Prælat. & c. 6. b. t. nu. 7. non autem patronata de jure Laicorum, sine consensu Patroni, c. cum dilectus, de jure Patronatus; intellige, si Laici id habeant ex dotatione, fundatione, vel ædificatione Ecclesiæ; secus, si privilegio, præscriptione, vel consuetudine; ita Valens. b. t. Q. 3. n. 4. potest etiam suæ collationi reservare beneficia non vacantia, etiam in favorem tertij; non tamen dare jus ad beneficium vacaturum, juxta gloss. in c. i. b. t. nec illud, antequam vacet, promittere, c. 2. de concess. præbend.

2379. Non possunt tamen conferre Prælaturas Cathedralium, Regularium, & Collegiatarum Ecclesiarum; nec dignitates maiores in Cathedralibus electivas, c. deliberatione, 4. b. t. in 6. nec reservare non vacantia, quæ vacantia non possent conferre; nec una reservatione in Ecclesia aliqua; vel de beneficio ad alicujus collationem spectante facta, & adhuc pendente, aliam interim facere in eadem Ec-

clesia, vel de beneficio, ad ejusdem collationem spectante, c. presenti. 3. & c. deliberatione, 4. b. t. in 6. reservatio autem per eos facta, exspirat exspirante legatione; Valensis, b. t. Q. 3. n. 7. & dicitur in cit. c. presenti: alijs autem Legatis hæc non sunt permitta, absque speciali Papæ mandato, c. i. eod. in 6. nam, hi non absolvunt excommunicatum ob percussionem Clerici, nisi in sua Provincia (si sint Legati missi) & quidem non nisi subditum; non alienum, c. penult. b. t. nisi mittantur cum potestate Legati de latere; tunc enim parem illi potestatem habent. Accedit, quod Legatus possit dispensare cum natis extra matrimonium, eosque restituere natalibus, ut habeantur habiles ad Ordines, & beneficia (ut docet Zoësius b. t. nu. 13.) ex communiter concedi solita Legatis potestate. His adde, quæ habet Pyrrhus Corradus in praxi dispensationum Apostolicarum l. 7. c. 7. n. 481. Legatos à latere, & Nuntios dispensare Apostolica autoritate super impedimentis matrimonium dirimentibus; sed intelligi videtur, si habeant in hoc commissis.

Not. præterea, quod, et si Legatus de latere, spectato jure decretalium in c. i. b. t. tam in prima, quam secunda instantia in jurisdictionibus concurrat cura quolibet Ordinario (ut diximus n. 2377.) jure tamen Trident. sess. 24. de Reform. c. 20. specialiter Legatis omnibus, vel Nuntiis Apostolicis interdictum esse, ne, quærumcunque facultatum vigore, in causis Ecclesiasticis, Episcopos impedire, aut aliquo modo eorum jurisdictionem præcipere, seu turbare præsumant, nisi prius requisito Episcopo, vel eo negligente, procedant. Textus Tridentini, valde notandus in plurimis sic habet: *causa omnes, ad forum Ecclesiasticum, quomodo libet pertinentes, etiam beneficiales sint, in prima instantia, coram Ordinarij locorum duntaxat, cognoscantur; atque omnino, saltē infra biennium, à die motæ litis, terminentur; alioquin, post id spatiū liberum sit partibus, vel alteri illarum, Judices Superiores, alias tamen competentes adire, qui causam in eo statu, quo fuerit, assument, & quam primū terminari current; nec anteā alijs committantur, nec avocentur, neque appellations, ab eisdem interpositæ, per Superiores quoscunque recipiantur, eorūnve commissio, aut inhi-*

inhibitio fiat, nisi à definitiva, vel à definitivæ vim habente, & cuius gravamen, per appellationem à definitiva reparari negqueat: ab his excipientur cause, quæ iuxta Canonicas sanctiones, apud Sedem Apostolicam, sunt tractandæ, vel quas ex urgente, rationabili, causa judicaverit summus Rom. Pontifex, per speciale rescriptum, Signaturæ Sanctitatis suæ manu propriâ subscribendum, committere, aut avocare.

3381. Ad hæc, cause matrimoniales, & criminales, non Decani, Archidiaconi, aut aliorum inferiorum Judicio, etiam visitando, sed Episcopi tantum examini, & jurisdictioni relinquuntur, etiamsi in praesenti inter Episcopum, & Decanum, seu Archidiaconum, aut alios inferiores super causarum istarum cognitione lis aliqua in quacunque instantia pendeat: coram quo si pars verè paupertatem probaverit, non cogatur, extra Provinciam nec in secunda, nec in tertia instantia in eadem causa matrimoniali litigare, nisi pars altera, & alimenta, & expensas litis velit subministrare; sic Concilium.

3382. Legati quoque de latere, Nuntij, Gubernatores Ecclesiastici, aut alij quarumcunque facultatum vigore, non solum Episcopos in prædictis causis impedire, aut aliquo modo eorum jurisdictionem iis præripere, aut turbare non præsumant; sed nec etiam contra Clericos, aliasve Personas Ecclesiasticas, nisi Episcopo prius requisito, eoque negligente, procedant; alias eorum processus, ordinationesve nullius momenti sint, atque ad damni satisfactionem, partibus illati, teneantur. Ex hoc sequitur, hodierno jure, ac praxi pro prima instantia Episcopum esse adeundum, quando lis non est Episcopalis; non autem immediatè Legatum, seu Nuntium Apostolicum; in secunda vero Legatum, sed servatâ formâ, quæ jure communis præscribitur, in c. 3. de Appellat. in 6. & Trid. sess. 22. de Reform. c. 7. ubi dicitur, Legati, & Nuntij Apostolici, Patriarchæ, Primate, & Metropolitani, in appellacionibus, ad eos interpositis, in quibusvis causis, tam in admittendis appellationibus, quam in concedendis inhibitionibus post appellationem, servare teneantur formam, & tenorem sacrarum constitutionum, & præsertim Innocentij quarti, quæ incipit,

Tom. I.

Romana; quacunque consuetudine, etiam immemorabili, aut stylo, vel privilegio, in contrarium non obstantibus: aliter inhibitiones, & processus, & indesecuta, quacunque sint, ipso jure sint nulla; & hoc decretum servare debent Auditores Legatum, alijque Judices, quibus committuntur audienda appellationum cause.

2383.

Not. 2. quando in cit. decreto Trid. dicitur, causas omnes ad forum Ecclesiasticum quomodolibet pertinentes, etiamsi beneficiales sint, in prima instantia coram Ordinarijs locorum duntaxat esse cognoscendas, & terminandas: per Ordinarios, intelligi, non tantum Episcopos, sed etiam Praelatos exemptos, Episcopalem jurisdictionem habentes; non autem Episcopo subjectos; sic Barbosa in cit. locum Trid. num. 6.

Not. 3. in quæstione: num Legatus de latere, etiam in exemptos Provinciae sua jurisdictionem habent? à nonnullis responderi affirmativè propter ea, quæ dicuntur in c. Si Abbatem 36. §. 1. de Elect. in 6. ubi habetur, quod Legatus Cardinalis, Episcoporum, & Exemptorum electiones confirmare, & Abbatibus ipsis, in Episcopos electis, Abbatiam, & Monasterium suum deferendi licentiam dare possit: sed circa hoc vide, quæ diximus à n. 1289.

2384.

Not. 4. Legatos tantum Missos id speciale habere, quod quædam leviora, licet in literis suæ legationis expressa non sint, in Provincia sua expedire possint; non autem Natos, ut habetur c. 9. b. t. ubi dicitur: Legatos non de latere, sed ratione persona, excommunicatos, propter injecionem manutum in Clericos, non posse absolvere extra Provinciam, nec etiam intra, si aliunde veniant: Legatos vero ratione dignitatis, nullos tales, ne quidem intra suam Provinciam, excommunicati de illa sint V. c. 6. de Presumpt. & c. 18. de accusat.

2385.

Ex hoc vides Legatos Natos (cum quibus scilicet adepta dignitate simul quasi nascitur etiam ratio Legati, propterea, quod illi annexa sit) nihil sibi speciale vendicare posse, non expressum in literis suæ legationis, ut dicitur c. 1. b. t. in 6. hinc esse multum duntaxat honoris; & in hoc speciale, quod eorum jurisdictione diuturnior sit jurisdictione aliorum Legatorum; cum illorum jurisdictione annexa sit eorum digni-

2386.

tati;

Y y 2

tati ; horum autem inhæreat duntaxat personæ.

## ARTICULUS III.

Quibus modis finiatur officium Legati?

2387.

**R**Esp. 1. finiri morte Legati, si commissio facta sit persona; secus, si officio ejus, vel dignitati, c. quoniam 14. de Offic. delegati, ibi: quoniam Abbas Leicestriæ, qui suscepto mandato nostro partibus diem ad agendum præfixit, Abbatem Vincenstriæ, de novo substitutum Judici præmortuo, illi mandato nostro porrecto: quia sub expressis nominibus locorum, & non personarum commissio emanavit, sibi socium in causæ cognitione adjunxit: Nos sententiam illorum (sicut est justa) ratam, & firmam habemus.

Secundo, lapsu temporis appositi, c. 4. h. t. ibi: de causis, quæ intra certum terminum decidendæ committuntur, hoc tuam volumus cognitionem tenere: quod, nisi dies præfixus de communi consensu partium prorogetur, eo transacto mandatum exspirat.

2388.

Tertiò, revocatione etiam tacita; ut, si negotium alteri committatur c. 2. h. t. ubi Pontifex Episcopo Bonon. scribens, ait: si à nobis super aliqua causa literæ

impertrantur, & alia postea (non facta mentione priorum literarum) literæ opponuntur, si Judicibus innotuerit, donec Romanum Pontificem consulant, & suam exinde cognoscant plenius voluntatem, executioni supersedeant utrarumque, ne, pro varietate literarum, causarum fines valeant impediri; quod intellige, postquam ei revocatio intimata est; argumen-  
to c. audita, de Restitut. spoliat.

Quartò egrediendo de Provincia, animo non redeundi; L. 3. ff. de Offic. Praefidis: quintò, si negotium referatur ad Pontificem (nam quoties causa refertur ad Pontificem, Legatus non potest amplius in ea procedere juxta c. 5. h. t.) non autem morte mittentis; quia Legatorum jurisdictione est ordinaria, c. 2. h. t. in 6. & ideo est magis firma, quam delegatorum. Si autem contingat, quod Pontifex alium Legatum constituat in eadem Provincia, revocati primum, affirmant aliqui, negant alii; quamvis autem verum sit, nec ex natura rei, nec etiam juris dispositione repugnare, quod in eadem provincia duo sint Judices Ordinarij, L. 1. ff. de Offic. Consul: præsumi tamen merito potest, ubi aliud non exprimitur, revocari primum, constituto secundo illi non subordinato, ad vitandam confusione.

QUESTIO XXXI.  
IN TIT. XXXI. DE OFFICIO JUDICIS ORDINARII.

2390.

**J**udex ordinarius est, qui primam exercet jurisdictionem, sibi competentem ratione dignitatis, Lege, Canone, consuetudine, c. duo 9. h. t. quo differt à delegato, qui fungitur vice delegantis. Hinc jurisdictione Ordinaria tribus modis acquiritur: nimirum, dispositione juris, consuetudine, & privilegio; quibus positis: quæstio est 1. quibus competat jurisdictione Ordinaria? R. quod Patriarchis, Archiepiscopis, Episcopis, in suis Provincijs, id est singulis in sua diœcesi; Abbatibus in suis Cenobijs; Papæ respectu totius Orbis Christiani. Judicibus Ordinariis annumeratur etiam Legatus Apostolicus, c. 2. de Offic. Legati in 6. Rectores autem Ecclesiarum Parochialium potestatem Judicis Ordinarii non habent, nec ullum forum content-

tiosum. Unde non excommunicant, nisi eis hoc tribuat consuetudo; quo sensu intelligi debet c. 3. h. t. licet habeant administrationem aliquam earum Ecclesiarum, per c. Tha, 4. de Cleric. agrot.

Quæstio est 2. quotplex sit ordinaria jurisdictione Episcopalis? R. quod duplex, consistens nimirum in duabus legibus, quibus iura Episcopalia concluduntur, c. conquerente 16. h. t. ubi Episcopo dicit Honorius III. Tu autem his Juribus (nimirum ibidem enumeratis) in præfatis Ecclesijs contentus existens, non amplius ab eis exigas, præter moderatum auxilium, quod juxta formam Lateranens. Concilij (si manifesta, & rationabilis causa extiterit) cum charitate postulandum, sicut ab alijs Ecclesijs ejusdem Diœcesis, pro necessitate temporis sustinemus; & gloss. in c. dilecto